

**АЛЕКСАНДР АРКАДЬЕВИЧ ФАЙНБЕРГНИНГ ЎЗБЕК ШЕЪРИЯТИГА ҚЎШГАН
ҲИССАСИ****Тохирова Ирода Санъат қизи**

Ўзбекистон жаҳон тиллари университети талабаси

Аннотация

Бу мақолада Александр Аркадьевич Файнбергнинг шоир ва таржимон сифатидаги ижодий фаолияти ҳақида сўз боради. Шунингдек ўзбек шоирларининг асарларини рус тилига таржима қилишдаги маҳорати, унинг сценарий ёзишдаги ҳам мутахассис эканлиги ҳақида маълумотлар тақдим қилинган.

Калит сўзлар: шоир, шеър, рус, ўзбек, муаллиф, журналистика, таржимон.

Маълумки, шеър шоирнинг ички кечинмалари, ҳаёлотлари, унинг қалбида туғилган ҳаётий туйғуларни ифода қиласиган, ва албатта шу билан ўқувчи юрагини ром қила оладиган нарса. Агар шоир бу шеърни ёзганида ўзи ёнмаса, бошқаларни ёндиrolмайди, қалб ҳисларида оташ бўлмаса, бошқа қалбларга ҳарорат, илиқ туйғуларни бера олмайди. Агар бу сеҳрли оташ бўлмаса, ҳар қандай шеърий жимжималардан, бадиий воситалардан, маҳоратдан наф йўқ, албатта.

Шундай шеърлари орқали одамларга меҳр улаша олган рус шоири ва Ўзбекистон халқ шоири Александр Аркадьевич Файнбергдир. У 1939 йил 2 ноябрда Тошкент шаҳрида туғилган. Александр Файнбергнинг кўп миллатли ўзбек адабиёти ривожига қўшган ҳиссаси ҳақиқатан ҳам улкан ҳисобланади.

У нафақат шоир сифатида, балки сценарий ёзиш бўйича ҳам моҳир эканлигини кўрсатган бўлиб, унинг “Менинг катта акам”, “Энг мовий осмон ёнида”, “Иссиқ қуёшдаги уй”, “Қандаҳор куйдирган” ва бошқа бадиий фильмлар учун еттита сценарийси бор. Шунингдек унинг мультиликацион фильмлари ҳам мавжуд¹.

Унинг шеърлари нафақат русийзабон ўқувчилар, балки кўплаб шеър ихлосмандларига катта қизиқиш уйғотган. Ажойиб таржимон Александр Аркадьевич русийзабон китобхонга машҳур ўзбек шоирларининг кўплаб асарларини ўзининг моҳир таржималари билан етказиб бера олган.

Эркин Воҳидовнинг “Ўлмаслар қўзғолони” шеърий тўплами Москвада, Абдулла Орипов, Хосият Рустамова, Сирохиддин Сайид, Рустам Мусурмон шеърлари таржималари билан “Оқкуш суруви” тўплами Тошкентда нашр этилган. У машҳур бобокалонимиз Алишер Навоийнинг ғазалларини ҳам рус тилига моҳирона таржима

¹ <https://stihi.ru/avtor/faynberg&s=50>

қилган. Файнбергнинг танланган шеърлари эса “Чигир” тўпламида ўзбек тилида нашр этилган.

1979 йилдаги “Пахтакор” футбол жамоасининг самолёт ҳалокатида фожиали ҳалок бўлганининг 1999 йилда 20 йил тўлиши муносабати билан унинг сценарийси асосида “Их стадион в небесах” (“Уларнинг стадиони осмондадир”) фильмси суратга олиниб, унда унинг қаламига мансуб шеър асосида қўшиқ янграган.

Кўп йиллик самарали меҳнати, фан, таълим, адабиёт, санъат, маданият каби соҳаларини ривожлантиришга қўшган муносабиҳи хиссаси учун 1999 йил 25 августда Ўзбекистон Республикасида хизмат кўрсатган маданият ходими унвонига сазовор бўлган.

Файнбергнинг шеърларида орасида ҳазиломуз ёзилган шеърлар ҳам учрайди. “Струна рубаята” (“Рубоёт толаси”) шеърида ўзбек чойхонасини жудаем чиройли табассумсиз ўқиб бўлмайдиган даражада тасвирлаб, ўша машҳур ўзбек паловига ҳам таъриф берган.

Ўзбекистон Республикаси мустақиллигини мустаҳкамлаш, мамлакатимизнинг ҳалқаро нуфузини ошириш, ҳалқимиз маданияти ва маънавиятини юксалтиришга қўшган салмоқли хиссаси, бетакрор истеъдоди, серқирра бунёдкорлиги, илмий фаолияти, фан, таълим, адабиёт, маданият, санъат ва бошқа ижтимоий соҳаларда меҳнат қилиш, жамият ҳаётида фаол иштирок этиш ҳамда кўп йиллик самарали фаолияти, умумхалқ эътирофи ва ҳурмати учун 2004 йил 23 август Ўзбекистон Республикаси ҳалқ шоири унвонига сазовор бўлган.

Бир неча йил давомида А.А. Файнберг Ўзбекистон Ёзувчилар уюшмаси аъзоси бўлиш билан бир қаторда, Тошкентда Ўзбекистон ёш ёзувчилари учун семинарга ҳам раҳбарлик қилган.

Россия Федерацияси билан маданий алоқаларни ривожлантиришга, рус тили ва рус маданиятини сақлашга қўшган улкан хиссаси учун 2008 йил 3 декабрда Россия Президентининг буйруғи билан Пушкин медали билан мукофотланган.

Таниқли Ўзбекистон ҳалқ шоири, таржимон Абдулла Орипов “чинакам истеъдодли инсонлар фақат бир ҳалққа мансуб эмас” – деб, тўғри таъкидлаган. Ҳар бир миллатнинг истеъдодлари бўлади. Улар бутун инсониятнинг фахри, чунки улар осмондаги юлдузлар каби ҳар бир инсон учун порлайди, энг чуқур инсоний туйғуларни ва қалбни озиқлантирадиган абадий қадриятларни акс эттиради. Улар бу жонли, нозик, инсон қалби атрофида содир бўлаётган ҳамма нарсани аниқ шеърий сўз билан ифодалашга қодир.

Г.Малихина “Поэтический прииск Александра Файнберга” китобида Ўзбекистон ҳалқ шоири А.Ориповнинг сўзларини келтириб, унда А.Файнбергга ўзбек ҳалқи ва унинг маданиятига бўлган ҳурмати, ҳажвий шеърида Афандининг енгилмас, қувноқ руҳига содиқлиги каби таърифлагани учун миннатдорчилик билдиради ҳамда “Менинг юртдошим” уни “шиор байналмилач” эмас, “ҳақиқий ватандош” деб атайди².

² Малыхина Г. Поэтический прииск Александра Файнберга. – Т., 2014. С. 80

Унинг Тошкент, Москва, Санкт-Петербургда чоп этилган 15 шеърий тўпламидан ташқари, Россия журналларидан “Новый мир” (“Янги жаҳон”), “Юность” (“Ёшлик”), “Новая Волга” (“Янги Волга”), “Арион”, Ўзбекистон журналларидан “Звезда Востока” (“Шарқ Юлдузи”), “Малый шелковый путь” (“Кичик ипак йўли”), шунингдек Истроил, Америка журнал ва газеталарида кўплаб шеърлари нашр этилган.

2004 йилда шоир А.А. Файнберг Россия Президентининг фармони билан Пушкин медали билан тақдирланган. У Россия Федерацияси билан маданий алоқаларни ривожлантириш, рус тили ва рус маданиятини сақлашга қўшган улкан ҳиссаси учун ушбу юксак мукофот билан тақдирланган. Ўзбекистон шеърий фалакида муболағасиз Александр Файнберг энг ёрқин нуронийлардан биридир. Унинг иши жуда кўп қиррали. Тошкент, Москва ва Санкт-Петербургда нашр этилган ўн учта шеърий тўплам муаллифи.

Демак, А.Файнберг нафақат шоир, балки моҳир сценарист ҳамдир. Унинг қалимига мансуб бир неча фильм ва мультипликацион фильмлар ҳам мавжуд. У самарали хизматлари учун қатор медаллар билан мукофотланган.

ФОЙДАЛАНИЛГАН АДАБИЁТЛАР

1. <https://stihi.ru/avtor/faynberg&s=50>
2. Малыхина Г. Поэтический прииск Александра Файнберга. – Т., 2014.